



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dispvtatio De Statv In Qvo Sint Beatorvm Animae Post
Hanc uitam, ante ultimi iudicij diem**

**Dévay Biró, Mátyás
[Nürnberg], [1537]**

VD16 D 1300

Propositio XXXVI.

urn:nbn:de:hbz:466:1-34195

fessione, & cum uere credimus remissionem peccatorum nos
adeptos esse per Christum, confitemur domino, laudantes
ipsius erga nos misericordiam, pro tanto erga nos beneficio
ei gratias agentes, incipimus & fratribus, quos uel malo
exemplo, in rebus, fama, corpore laesimus confiteri nostra
peccata, id est, eos quoquo modo recociliare. Sane hi fructus
sunt fidei. Matth. 3. Facite dignos fructus, qui decent poenitentiam,
math. 3.
id est, externe & interne renouemini fidei & bonorum operum nouitate.

PROPOSITIO XXXVI.

Sacrificium ecclesiae est eucharisticum, Christi meritorium.

CENSURA.

Sacrificium ecclesiae est meritorie dupliciter, scilicet
spræmij essentialis, propter quod proprium meritorium
dicitur, & remissionis poenae peccatorum, propter quod sa-
tisfactorium dicitur.

CONDENATIONES CENSURÆ.

Corpus Christi est duplex. Naturale & spirituale. Pri-
mum sine peccato est. Alterum habet peccatum Quod
est sine peccato occubuit, hostia factum, pro spirituali corpo-
re. Ephes. 5. Ipse saluator corporis, id est, ecclesiae uerae.
Huius sacrificium est propitiatorium, id est, quod meruit
propitiationem peccatorum nostrorum, de qua re in apo-
gia. Essentialia autem præmium corporis Christi spiritualis,
est aeterna mors. Ephe. 2. Natura omnes sumus filii iræ, tan-
tum abest ut satisfactio esse possit, Essentialia præmium &
Ephe. 5. v. 2.
p meritum

Sacrificium En-
charisticum

Hieronimus

Faber Epus

meritum solius Christi mors est. Cæterum ecclesiæ sacrificiū dicitur eucharisticum, quia corpus debet conuenire cum capite. Passo capite, pati debent & membra, quia non est discipulus maior magistro, & seruus domino, si me persecuti sunt, & uos persequētur. Nam qui pie uolunt uiuere in Christo, persecutionem patietur. Oportuit Christum pati, oportet & ecclesiam pati ut conformetur suo capiti. Quos enim præsciuit, hos & prædestinavit conformes esse imaginis filij sui. Sed quantum inter est, inter peccatum & iusticiam, tantum discriminis est inter sacrificium Christi (quod est satisfactorium, propitiatorium, meritum) & ecclesiæ sacrificium, per quod nihil meremur, sed tantum Christo assimilamur. Non sunt condignæ passiones huius temporis ad futuram gloriam. Nemo suo merito, sed omnes æqualiter iusticia Dei sunt saluati, Hieronymus. Vide charissime lector, an non isti Antichristi sint, qui hoc quod proprium Christi est ita turpiter euertunt, & pessundant. Quid enim retinemus de Christo, cum sacrificium eius sic annihilamus? Aut quomodo horribilior potest idolatria stabiliri, quam si dicimus ecclesiam habere sacrificium suum proprium, extra sacrificium Christi, quo mereatur remissionem poenæ peccatorum? Hoc est Christum, Spiritum sanctum, Euangelion & omnia abolere, ac gigantum exemplo Deum exturbare ē cœlo. Et tamen Faber, Episcopus s. Antichristi, ob hanc doctrinam Hungariam religioni deditam scribit. Ego qui Hungariam patriam habeo, agnosco quam varie prouocauerimus iram Dei. Sed inter reliqua peccata, hoc caput est, quod etiam regno exitio erit, quod tales blasphemiae contra Christum impune sparguntur. Cum habeamus manifestas sententias: Si ex operibus, frustra Christus mortuus est. Nunquid Paulus crucifixus est pro uobis? Quid habes quod non accepisti &c.

Propositio